

## ଯାକୁବକ ପତ୍ର ଜାକୁବ ରାଜାମାନି ଆକୁ ମୂଲ୍ୟ ହାତା

ଇ ଜାକୁବ ପତିତି ଜାକୁବ ଇନାସି ରାଜାମାରେସି । ଏଝାସି ଜୀସୁ କ୍ରୀସ୍ତ ତାୟି ଆହାମାଣ୍ସିନେସି, ଏମ୍ବାଆସିକି କୁଲମିତି ସାଲ୍‌ଝି କିନାସି ଅଡେ ଜିରୁସାଲମତା ବେରଣି କିନାସି ମାରେସି କାମା ୧୫:୧୩ । ପାଝୁଲ ଗାଲା ୨:୯ ଜାକୁବଇଁ କୁଲମିତି “ତୃଡ଼ିୟା ମୁଣ୍ଡା” ଇଞ୍ଜାମାନେସି । ଜୀସୁ କ୍ରୀସ୍ତ ଜାର୍ନାଆତି ୫୦ ବାର୍ସା ତାୟି ଇ ଜାକୁବ ପତି ରାସ୍‌କି ଆହାମାତେ ଇଞ୍ଜି ବୁଦିଗାଟାରି ଏଲେ ଇଞ୍ଜିମାନେରି । ଜାକୁବ ଜିରୁସାଲମତି କୁଲମି ସାଲ୍‌ଝି କିନାସି ମାତିବେଲାତା ଇ ପତିଇଁ ରାଜାମାରେସି ।

ଜାକୁବ ତାନି ପତିତା “ଇତାଲା ଆତାଲା ଦେସାଣା ରାଞ୍ଜାଣା ବିଚାଣା ଆହାମାନି ବାର ଗଟା କୁଲୁ ଲକୁ” କାତା ରାଜାମାନେସି ୧:୧ । ଜାକୁବ ଝେହ୍ନି କାତା ବାରେ କ୍ରୀସ୍ତାନା ଲକୁକି ଲଡ଼ାମାନେ ସାମା “ବାର ଗଟା କୁଲୁ ଲକୁ” ଇତିସାରେ ଜୀହୁଦି କ୍ରୀସ୍ତାନା ଲକୁ । ଏନାଆଁତାକି ଇତିହାସି ଇ ପତି ପଡ଼ଝିଆନି ବାରେ ଲକୁତାକି ହାଟେରକା କାତା ଏପହାଲି ତାକି ରାସ୍‌କି ଆହାମାନେ । ଜାକୁବ ନାମୁ ଅଡେ କାମାତି କାତା ଝେସାମାନେସି । କାମାତା ସାତା ନାମୁ ତଞ୍ଜାଆଡେନ ୨:୧୭ । ଏଝାସି ବାଡ଼କୁ ଗାଟି ଲକୁତି ପାରଡ଼ା ବାଟି କିନାଣି ୨:୧-୪ ଅଡେ ମାର ଏନାଆଁ ଜଲିନାୟି ଜାଡ଼ନୁ ତଲେ ଜଲ୍‌ଲି ଝେସାମାନେସି ୩:୧-୧୨

### ପତିତା ମାନାୟି

୧. ଜାକୁବ ତାନି ପତି ପଡ଼ଝି ଆନାରାଇଁ ଜହରା କିନାୟି । ୧:୧
୨. କ୍ରୀସ୍ତାନା ଲକୁଣି କସ୍ତ ବେଲାତା ସୁସ୍ତି ତଲେ ମାଞ୍ଜାଲି ଝେହ୍ନାୟି । ୧:୨-୨୭
୩. କାମା ତଲେ ନାମୁତି ତହ୍ନାୟି ମାନେ । ୨:୧-୨୭
୪. ଜଲିନି ବଲୁୟାତି ବାଡ଼ୟୁ । ୩:୧-୧୨

- ୫. ମାହାପୁରୁଷ ବୁଦ୍ଧି ଦାର୍ତ୍ତିତ୍ୟ ବୁଦ୍ଧି କିହାଁ ହାରେକା ପାରଡ଼ା ମାନେ । ୩:୧୩-୪:୧୦
- ୬. ବଡ଼ପଣ ଆନି କାତା । ୪:୧୧-୫:୬
- ୭. ଜାକୁବ ରାନି ବେଲାତା ନେହେଁତାକି ଜାପିନି କାତା ରାଡ଼ିନାୟି । ୫:୭-୨୦

୧୦ \*ନାନୁ ଜାକୁବ, ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତତି ହଲେଏସି, ଦାର୍ତ୍ତିତା ଇତାଲା ଆତାଲା ଆହାମାନି ମାହାପୁରୁ ଲକୁଇଁ ଜହରା ।

**ନାମୁତି ତାୟିପାରି କିନାୟି**

୨ ଏ ନା ତାୟିୟାଁ ଅଡ଼େ ତାଜିସ୍ତା, ମୀରୁ ଏଚିବେଲା ତାୟିପାରି କିନି ତାଣା ତାୟିପାରି କିଞ୍ଜିଆଦେରି, ଏଚିବେଲା ଏଦି ହାରେକା ରାହାଁତି କାତା ଇଞ୍ଜି ଅଣ୍ପାଦୁ; ୩ ତାୟିପାରି କିନାଣି ଜୀଣା ଆନି ନାମୁ ଏଦି ଅରୁହାଲି ହାୟାନେ, ଇଦାଆଁ ପୁଞ୍ଜାମାଞ୍ଜେରି । ୪ ଅଡ଼େ, ମୀରୁ ଏନିକି ଏନି ଗୁଣୁତା ଉଣା ଆଆନା ନେହଁ ତୀରି ଅଡ଼େ ସୁଦୁ ଗାଟାଡେରି ଆଦୁ, ଏଦାଆଁତାକି ଅରୁହିନାୟି ହାରେପୁରେ କାମା କିନେ ।

୫ ସାମା ମୀ ବିତ୍ରା ଆମ୍ବାଆରାକି ବୁଦ୍ଧି ଉଣା ମାଟିସାରି, ଆମିନି ମାହାପୁରୁ ଦହ ଆହୁଆନା ବାରେତାକି ହାରେପୁରେ କେନ୍ଦୁ ଦେଚାନା ଦାନା କିନେସି, ଏଞ୍ଜାଣି ତାଣା ପ୍ରାତାନା କିପାସି, ଏମ୍ବାଟିଏ ଏଞ୍ଜାଣାକି ହୀପୁକିଆନେ । ୬ ସାମା ଏଞ୍ଜାସି ଇଚାଣି ଆନାମାନା ଆଆନା ନାମୁତଲେ ପ୍ରାତାନା କିପାସି, ଇଚିହଁ ଆମ୍ବାଆସି ଆନାମାନା ଆନେସି, ଏଞ୍ଜାସି ଗାଲି ତଲେ ଇତାଲା ଆତାଲା ଆହୁମାନି ସାମ୍ପୁରିତି ତୀରି ଆଆଗାଟି ଏନ୍ଦୁ ଉଣା ଲେହେଁତାସି । ୭ ଏଲେତି ଲକୁ ପ୍ରବୁ ତାଣାଟି ଏନାଆଁ ବେଟାଆଇଁ ଇଞ୍ଜି ଆସା କିଆପେସି; ୮ ଏଞ୍ଜାସି ରୀ ମନ ଗାଟାସି, ଇଞ୍ଜା ତାନି ବାରେ କାମାତା ତୀରି ଆଆଗାଟାସି ।

**ବାଡ଼କୁ ଗାଟାସି ଅଡ଼େ ବାଡ଼କୁ ହିଲାଆଗାଟାସି**

୯ ବାଡ଼କୁ ହିଲାଆଗାଟି ତାୟି ତାନି କାଜାପାଣା ତାକି ରାହାଁ କିପାସି, ୧୦ ବାଡ଼କୁ ଗାଟାସି ତାନି ଉଣା ଆହୁମାନାଣି ତାକି ବଡ଼ପଣ କିପେସି, ଏନାଆଁତାକି ଇଚିହଁ ବାଡ଼କୁ ଗାଟାସି ଜାଡ଼ାତି ପୁନ୍ଦୁବଣା ଲେହେଁ

☆ ୧:୧ ୧:୧ ମାତି ୧୩:୫୫; ମାର୍କ ୬:୩; କାମା ୧୫:୧୩; ଗାଲା ୧:୧୯

ତୁଲ୍ୟ ହାନେସି । ୧୧ ଏନିକ୍ ଝେଡ଼ା ଲାଈ ହଡ଼ାସାରେ ଜାଡ଼ା ଏନିକ୍ ଖାୟାହାନେ ଅଡ଼େ ଏଡାନି ପୁଞ୍ଜା ତୁଲିନ୍ନୁ ଇଞ୍ଜା ତାନି ଅଦୁତି ଖାଣା ମେଣ୍ଟାହାନେ, ଏଲେକିହି ଏ ବାଡ଼କୁ ଗାଟାସି ଜିକେଏ ତାନି ବାରେ କାମାତା ଖାଡ଼ିନେସି ।

**ତାୟିପାରି ଅଡ଼େ ଜୁପକା ତହୁନାୟି**

୧୨ ଆମିନି ଗାଟାସି ତାୟିପାରି କିନାଣି ଅରୁହିନେସି ଏଞ୍ଜାଣାକି ନେହେଁ, ଇତିହିଁ ମାହାପୁରୁ ତାନୁ ଜୀଝୁ ନନି ଲକୁଣି ଆମିନି ଜୀଝୁଗାଟି ଚପେରି ହାହାଲି ଆଞ୍ଜାମାନେସି, ତାୟିପାରି କିତାଣି ଜୀଣାଆଡ଼ି ଜେଟ ଏ ଲକୁ ଏ ଆଞ୍ଜାମାନି ଚପେରି ବେଟା ଆନେସି । ୧୩ ଆମ୍ବାଆସି ତାୟିପାରି କିଝି ଆଡ଼ିସାରେ, “ନା ଇ ତାୟିପାରି କିଝି ଆନାୟି ମାହାପୁରୁ ତାଣାଟି ଆହିମାନେ” ଇଞ୍ଜିହିଁ ଇନାଆପେସି, ଇତିହିଁ ମାହାପୁରୁ ଲାଗେଏତି ପାନ୍ଦାଟି ତାୟିପାରି କିଝି ଆଅସି, ଅଡ଼େ ଏଞ୍ଜାସି ତାନୁଏ ଆମ୍ବାଆରାଇଁ ତାୟିପାରି କିଅସି । ୧୪ ସାମା ମାଣସି ତାନି ଲାଗେଏତି କାମା ତଲେ ଜୁପକା ଅଡ଼େ ନାଡ଼ିକିଝି ଆହାନା ତାୟିପାରି କିଝିଆନେସି; ୧୫ ଅଡ଼େ ତାୟି ଲାଗେଏତି କାମା ପୁରାମାସା ଆହାନା ପାପୁତି ଜାନି କିନେ, ଇଞ୍ଜା ପାପୁ ଗାଡ଼ି ପାତାଆହାନା ହାକିତି ଜାନି କିନେ ।

୧୬ ଏ ନା ଜୀଝୁତି ତାୟିୟାଁ ଅଡ଼େ ତାଜିସ୍ତା ମୀରୁ ନାଡ଼ି ଆଆଦୁ । ୧୭ ବାରେ ନେହିଁ ଦାନା ଅଡ଼େ ବାରେ ତୀରିତି ବର ଲାକଟି; ଇତିହିଁ ଉଜେଡ଼ି ଗାଡ଼ିକିତି ଆବା ତାଣାଟି ଖାନେ, ଆମ୍ବାଆରି ତାଣା ଏନି ବାଡ଼ଲି ଆନାୟି କି ଇଚାୟିଖା ସାୟିଁ କିହାନା ଆନ୍ଦେରି ଆନାୟି ହିଲେଏ । ୧୮ ମୀରୁ ଏନିକ୍ ତାନି ଗାଡ଼ି ଆଡ଼ି ତାଣାଟି ରଲେଏତି ର ମୁଲୁଡ଼ି ପାଡ଼େୟି ଲେହେଁ ଆନାୟି, ଏଦାଆଁତାକି ଏଞ୍ଜାସି ତାନି ଅଶପୁ ତଲେ ସାତା ବଲୁ ତଲେ ମାଙ୍ଗେ ଗାଡ଼ି କିୟାଡେସି ।

**ଝେନାୟି ଅଡ଼େ କାମା କିନାୟି**

୧୯ ଏ ନା ଜୀଝୁତି ତାୟିୟାଁ ଅଡ଼େ ତାଜିସ୍ତା, ମୀରୁ ଇଦାଆଁ ପୁଞ୍ଜାମାଞ୍ଜେରି, ମୀରୁ ବାରେତେରି ଝେଞ୍ଜାଲି ଜାଗ୍ରାତା ଆଦୁ, ଇଞ୍ଜା ଝେସାଲି ଦାଗା ଆଆଦୁ ଅଡ଼େ ଦେରୁଣିଏ କପା ଆଆଦୁ, ୨୦ ଇତିହିଁ ମାଣସିତି କପା ମାହାପୁରୁତି ନକିତା ଦାମ୍ବୁ କିହାଲି ଆଡେଏ ।

୨୧ ଏଦାଆଁତାକି, ମୀରୁ ବାରେ ପଲ୍ଲଆ ଗାଟାଣି ଅଡ଼େ ବାରେ ଲାଗେଏତି ପିସାଡୁହ୍‌ଦୁ, ଆମିନି ମାହାପୁରୁ ହିୟାତି ବଲ୍ଲୁ, ମୀ ଜାଝୁତି ଗେଲ୍‌ପାଲିତାକି ଆଡ଼ିନେ, ଏଦାଆଁ ସୁଦୁଗାଟି ଅଣପୁ ତଲେ ଆହ୍‌ଦୁ ।

୨୨ ସାମା ମୀରୁ ଏଝାଣି ବଲ୍ଲୁ ଝେନାତେରି ଆହ୍‌ଆଁ ଜାହାରାଈଁ ନାଡ଼ି କିହାକତାଆନା, ବଲ୍ଲୁତି କାମା କିନାତେରି ଆଦୁ । ୨୩ ଇଚିହ୍‌ ଆମିନିଗାଟାସି ବଲ୍ଲୁତି କାମା କିନି ଲକୁ ଆଆନା ଝାରୁଇ ଝେନି ଲକୁ ଆନେସି, ଆଡ଼ିହ୍‌ ଏଝାସି ଦାପେଣିତା ତାନୁଏ ତାନି ମୁମ୍‌ ସିନିକିହା କଡ଼ିମାନି ମାଣ୍‌ସି ଲେହେଁତାସି, ୨୪ ଏଚେତା ଏଝାସି ତାଈଁ ସିନିକିତି ଜେତ ହାଜାନା, ଏଝାସି ଏମ୍‌ଗାଟି ହୁଡ଼ା ହାଟି ତାୟୁ ଏନିଲେହେଁତି ମାଣ୍‌ସି ଦେବୁଣିଏ ବାଣାଆନେସି । ୨୫ ସାମା ଆମ୍‌ଆସି ତୀରପୁ ଇଚିହ୍‌ ଗେଲ୍‌ପାଲି ଆଡ଼ିନି ନେହ୍‌ ମେରାତି ସିନିକିହାନା ମେରାତି କାମା କିନେସି, ଅଡ଼େ ଆଜିତାକି ଝେନି ଲକୁ ଆଆନା କାମାକିନାସି ଆନେସି, ଏଝାସି ତାନି କାମାତା ନେହ୍‌ସି ।

୨୬ ଇଚିହ୍‌ ଆମ୍‌ଆସି ଜାହାରାଈଁ ତୀରି ଗାଟାତେଏଁ ଇଞ୍ଜ୍‌ ଅଣପା କଡ଼ିନେସି, ଇଞ୍ଜାଁ ତାନି ଝେନ୍‌ରିତି ଲକ୍‌ଆନା ତାନୁ ତାନି ହିୟାତି ନାଡ଼ି କିନେସି, ଇଚିହ୍‌ ତାନି ଦାମ୍‌କାମା କିନାୟି ଉଜେଏତାୟି । ୨୭ ତାଲି ତାଞ୍ଜି ହିଲାଆ କକାରି ପଦାଁଣି ଅଡ଼େ ରାଘେଣି ଇୟାସିକାଣି ତାମି ଦୁକୁ କାକୁଲି ବେଲାତା ସାୟେମି କିନାୟି ଅଡ଼େ ଦାରୁତିତା ମାନି ବାରେ ଲାଗେଏତି କାମାଟି ଗେଲ୍‌ପା କଡ଼ିନାୟି, ଇଦି ମା ମାହାପୁରୁ ଅଡ଼େ ଆବା ନକିତା ନେହାୟି ଅଡ଼େ ସୁଦୁ ଦାମ୍‌ତି କାମା ।

## ୨

### ପାରଡ଼ା ବାଟି କିନାୟି

୧ ଏ ନା ତାୟିୟାଁ ଅଡ଼େ ତାଈଁମ୍‌, ମା ଗାଝୁରମିଗାଟି ପ୍ରବୁ ଜୀସୁ କ୍ରୀସ୍ତ ତାଣା ନାମା ମାନାତେରି ମାଣ୍‌ସିୟାତି ମୁମ୍‌ ଚେସାନା ଲେମ୍‌ଆଦୁ । ୨ ଇଚିହ୍‌ ରଅସି ବାଂଗାରା ମୁଦି ଅଡ଼େ ଦାରାଗାଟି ନେହ୍‌ ଅଜିତି ହିମ୍‌ରି ହୁଚାନା କୁଟମି କୁଡ଼ା ଆହାମାନି ତାଣା ଝାନେସି, ଅଡ଼େ ର ହିଲାଆଗାଟାସି ଗେଞ୍ଜାମାନି ମାହ୍‌ତି ହିମ୍‌ରି ହୁଚାନା ଝାନେସି, ୩ ଅଡ଼େ, ମୀରୁ ଦାରାଗାଟି ଅଜିତି ହିମ୍‌ରି ହୁଚିତି ଲକୁଈଁ ମାନି

କିହ୍ନା ଏଲେଇଜେରି, “ଇମ୍ପାଆଁ ନେହ୍ ଟାୟୁତା କୁଗାମୁ,” ଅଡ଼େ ହିଲାଆଗାଟାଣାଇଁ ଏଲେଇଜେରି “ଏମ୍ପାଆଁ ନିଚାମାନାମୁ, ଆଆତ୍ ନା କଡାୟାଁ ଡ଼ଇକା କୁଗାମୁ,”<sup>୪</sup> ଆଆତ୍ ମୀରୁ ମୀ ବିତ୍ରା କାଜା ଲକୁ ଉଣା ଲକୁ ପାରଡ଼ା ବାଟି କିଞ୍ଚି ଆହ୍ନାଁ ଏଟ୍‌କା ଏଟ୍‌କା କିହ୍ନାଁ ଲାଗେଏତ ନୀହ୍ନାୟି କିହିମାଜେରି ।

<sup>୫</sup> ଏ ନା ଜୀଞ୍ଜୁତି ତାୟିୟାଁ ଅଡ଼େ ତାଞ୍ଜିସ୍ତା, ଝେଞ୍ଜୁ, ମାହାପୁରୁ ଈ ଦାରୁତିତା ବାଡ଼କୁ ହିଲାଆଗାଟାଣାଇଁ ତାମି ନାମୁତା ଦନ୍ ଗାଟାରି ଆହ୍ନାଲି, ଅଡ଼େ ତାନି ଜୀଞ୍ଜୁନହ୍ ମାନାରାଇଁ ଆମିନି ରାଜି ହୀହାଲି ଆଞ୍ଜାମାନେସି, ଏମ୍ପାତି ଅଦିକାରା କିହାଲି ଆଟା ହିଲଅସି ?<sup>୬</sup> ସାମା ମୀରୁ କାକୁଲି ଗାଟାଣାଇଁ ଅପିହିଲଅଡେରି । ବାଡ଼କୁ ଗାଟାରି ମୀ ମୁହେଁ ରାଜି କିୟଅରି କି ? ଅଡ଼େ ମିଜେ ନୀହ୍ନାୟି ପାଞ୍ଜାତା ରେଜା ଅୟଅରି କି ?<sup>୭</sup> ଆମିନି କାଜା ଦରୁତଲେ ଝେଞ୍ଜା ମାଜେରି, ଏନାଆଁ ଏଞ୍ଜାରି ଏ ଦରୁତି ନିୟା କିଅରି ।

<sup>୮</sup> ମୀରୁ ମୀ ପାଡ଼ିତି ଲକୁଣି ମୀ ଜୀଞ୍ଜୁତି ଜୀଞ୍ଜୁ ନନ୍ନି ଲେହେଁ ଜୀଞ୍ଜୁନଦୁ, ସାସ୍ତେରିତା ରାସ୍‌କି ଆହ୍ନାମାନି ମାହାପୁରୁ ରାଜିତି ମେରା ସାଡେଏ ମାନଞ୍ଚି ଆଡେରି, ଆତିହ୍ ମୀରୁ ନେହ୍ କିହିମାଜେରି,<sup>୯</sup> ସାମା ଲକୁ ମୁମୁଡ଼ି ମେସାନା ଲେମ୍ବିମାଜେରି, ଆତିହ୍ ମୀରୁ ପାପୁ କିହିମାଜେରି, ଅଡ଼େ ଏ ମେରା ତଲେ ଦହ ଗାଟାଡେରି ଇଞ୍ଜୁ ତଞ୍ଜା ଆହିମାଜେରି ।<sup>୧୦</sup> ଆମ୍ପାଆସି ବାରେ ମସାତି ମେରା ମାନଞ୍ଚି ଆହ୍ନାଁ ରଣ୍ଡିଏ ମେରାତି ଉରିନେସି, ଇତିହ୍ ଏଞ୍ଜାସି ବାରେ ମେରାତି ଦହ ତଲେ ତଣ୍ଡ ବେଟା ଆଡେସି ।<sup>୧୧</sup> ଆମିନି ମାହାପୁରୁ ଦାରିକାମା କିଆଦୁ ଇଞ୍ଜୁ ଝେସା ମାଟାସି, ଏଞ୍ଜାସି ଲକୁଣି ପାୟାଆଦୁ ଇଞ୍ଜୁ ଜିକେଏ ଝେସାମାନେସି, ମୀରୁ ଦାରିକାମା କିଆନା ଲକୁଣି ପାୟିଦେରି ଇତିହ୍ ମେରାତି ଉରିନାଡେରି ଆଡେରି ।<sup>୧୨</sup> ଗେଲ୍‌ପିଆଡ଼ି ମସାତି ମେରାତି ମୀରୁ ନୀହ୍ନାୟି କିଞ୍ଚିଆଡେରି, ଇଦାଆଁ ପୁଞ୍ଜାନା ଏଲେତି କାତା ଜଲ୍‌ମାଦୁ ଇଞ୍ଜା କାମା କିଦୁ ।<sup>୧୩</sup> ଇତିହ୍ ଆମ୍ପାଆସି କାର୍ମା ମେହ୍‌ଅସି ମାହାପୁରୁ ଏଞ୍ଜାଣାଇଁ କାର୍ମା ମେହ୍‌ଆନା ନୀହ୍ନାୟି କିନେସି, ସାମା କାର୍ମାମେହ୍‌ନାୟି ନୀହ୍ନାୟିତା ଜୀଣା ଆନେସି ।

ନାମୁ ଅଡ଼େ କାମା

୧୪ ଏ ନା ତାୟିୟାଁ ଅଡ଼େ ତାଙ୍ଗିୟା, ଆମ୍ବାଆସି ନାଙ୍ଗେ ନାମୁ ମାନେ ଇଞ୍ଜିଁ ଇନେସି, ସାମା ଏଞ୍ଜାଣି କାମା ହିଲେଏ, ଆତ୍ମି ଏଡ଼ି ଏନି ଲାବା ? ଇଲେତି ନାମୁ ଆମ୍ବାଆରାଇଁ ଗେଲ୍‌ପାଲି ଆଡ଼ିନେ କି ? ୧୫ ଏତିବେଲା ର ତାୟି କି ତାଙ୍ଗିନାକି ହୁଚାଲି ହିମ୍ବୁରି କି ତିଞ୍ଜାଲି ରାନ୍ଦା ହିଲାଆତିହ୍, ୧୬ ଇଞ୍ଜା ମୀ ବିତ୍ରାଟି ଆମ୍ବାଆତେରି ତାନି ଆଙ୍ଗାତି ଲଡ଼ାମାନାଣି ହୀଆନା, “ମାହାପୁରୁ ନିଙ୍ଗେ ବରୁ ହିୟାପେସି, ବାଣ୍ଡି ପାଞ୍ଜାହାଁ ହିଡ଼ଡ଼ିଟି ନେହ୍ କି ହାଲାମୁ” ଇଞ୍ଜିଁ ଇତିହ୍ ଏଡ଼ି ଏନି ଲାବା ? ୧୭ ଏଲେକିହ୍ ଏ, କାମା ହିଲାଆସାରେ ନାମୁ ହାଡ଼ାୟି ।

୧୮ ସାମା ଆମ୍ବାଆସି ଏଲେଇନେସି, “ରଥଣି ନାମୁ ମାନେ ଅଡ଼େ ରଥଣି କାମା ମାନେ;” କାମା ହିଲାଆନା ନୀ ନାମୁ ତସ୍ତାମୁ, ଅଡ଼େ ନାମୁ କାମା ତଲେ ନା ନାମୁତି ତସ୍ତାଇଁ । ୧୯ ମାହାପୁରୁ ରଥସିଏ, ଇଦାଆଁ ମୀରୁ ନାମିମାଞ୍ଜେରି; ଏଡ଼ି ନେହ୍ କାତା, ବୁଡୁୟାଁ ଜିକେଏ ନାମାହାଁ ଆଜିତାକି ତୀରୁମାନୁ । ୨୦ ସାମା ଏ ବୁଡ଼ି ହିଲାଆଗାଟାତେରି, କାମା ହିଲାଆନା ନାମୁ ଉଜେଏତାୟି, ଇଦାଆଁ ପୁଞ୍ଜି ହିଲଅତେରି ? ୨୧ ମା ଆକୁ ଅବ୍ରାହାମ, ପୂଜାପିଣ୍ଡା ଲାକ ତାନି ମୀରୁଏଣା ଇସାହାକଇଁ ପୂଜା କିହିମାଟାଟି କାମା ତଲେ ଦାମ୍ବୁଗାଟାସି ଇଞ୍ଜିଁ ଝେଙ୍ଗା ହିଲାଆତେସି ? ୨୨ ମୀରୁ ମେସିମାଞ୍ଜେରି, ଅବ୍ରାହାମତି ନାମୁ ତାନି କାମାତା ତଞ୍ଜାଆଡ଼େ, ଅଡ଼େ କାମା ତଲେ ନାମୁ ପୂରାଆଡ଼େ; ୨୩ ଏତେଟିଏ ସାସ୍ତେରିତି ଇ ବଲୁ ସାତା ଆଡ଼େ, ଅବ୍ରାହାମ ମାହାପୁରୁ ତାଣା ନାମିତେସି, ଅଡ଼େ ତାଙ୍ଗେତାକି ଏଡ଼ି ଦାମ୍ବୁଗାଟାସି ଇଞ୍ଜିଁ ଝେଙ୍ଗିତେସି, ଇଞ୍ଜା ଏଞ୍ଜାସି ମାହାପୁରୁତି ତଣେଏସି ଇଞ୍ଜିଁ ଝେଙ୍ଗିତେସି । ୨୪ ଇତିହ୍ ମାଣସି ଝାରୁଇ ନାମୁଟି ଆଏ, ସାମା ତାନି କାମାଟି ଦାମ୍ବୁଗାଟାସି ଆନେସି ଇଞ୍ଜିଁ ମୀରୁ ପୁଞ୍ଜିମାଞ୍ଜେରି ।

୨୫ ଏଲେକିହ୍ ଏ ଦାରେଣି ରାହାବ୍ ଦାମ୍ବୁଗାଟାୟି ଇଞ୍ଜିଁ ଝେଙ୍ଗାମାତେ, ଏଡ଼ି ପାରୁ ପାରାଲି ମେଣେଏ ଝାହାମାଟାରାଇଁ ତାନି ଇଜ ଅହାନା ଇତିତେ ଇଞ୍ଜା ଏଟକା ଜିରୁଟି ପାଣ୍ଡାଲି ସାୟେମି କିହାମାତେ ।

୨୬ ଇତିହ୍ ଜୀଞ୍ଜୁ ହିଲାଆସାରେ ଆଙ୍ଗା ହାଡ଼ି ମାଡ଼ହା, ଏଲେକିହ୍ ଏ କାମା ହିଲାଆସାରେ ନାମୁ ଜିକେଏ ହାଡ଼ାୟି ।

# ୩

## ୱେନ୍ଦରିତି ଲକ୍ନାୟି

୧ ଏ ନା ତାୟିୟା ଅଡ଼େ ତାଜିୟା, ମୀରୁ ହାରେକା ଜାପ୍ନାତେରି ଆଆଦୁ; ଜାପ୍ନାତାୟି ମାର, ମାର ଅର ଲକୁ କିହାଁ ହାରେକା ତଣ୍ଡ ପାଣ୍ଡନାୟି ଇଦାଆଁ ପୁଞ୍ଜାମାଞ୍ଜୁ । ୨ ଇତିହିଁ ମାର ଏନି ଏନି କାମାତା ପୁଟି କିହିମାନାୟି, ସାମା ଆମ୍ବାଆସି ମାହାପୁରୁ ବଲୁତା ପିଟଞ୍ଜି ଆଅସି, ଆତିହିଁ ଏଞ୍ଜାସି ନେହିଁ ମାଣ୍ଡସି, ଅଡ଼େ ଏଞ୍ଜାସି ତାନି ବାରେ ଆଙ୍ଗାତି ତାନୁଏ ଲକ୍ନାୟି ଆଡ଼ିମାନେସି । ୩ ମାର ଗଡ଼ାୟାଣି ଲକ୍ନାୟି ତାକି ତାନି ଗୁତିତା ବାକେରି କାତିକିହିମାନାୟି, ଅଡ଼େ ଏଦାନିତଲେ ମାର ତାନି ବାରେ ଆଙ୍ଗାତି ୱେନ୍ଦହିଁ ମାନାୟି । ୪ ଏୟୁ ଜାଜାତି କାତା ଜିକେଏ ଅଣ୍ଡାଦୁ, ଏଦି ଏଚେକା କାଜାୟି ଅଡ଼େ କାଜା ଗାଲି ତଲେ ତାକିତେଁ ଜିକେଏ, ଜାଜାତି ତାୟୁଞ୍ଜାକି ମାନି ର ଉଣା ମାରା ତଲେ ତାକିନେ, ଏ ମାରା ଆହ୍ନାସି ଆୟୁୟାଞ୍ଜାକି ମନ କିନେସି ଏନିକା ହାନେ । ୫ ଏଲେକିହିଁଏ ୱେନ୍ଦରି ଜିକେଏ ଆଙ୍ଗାତି ର ଉଣା ବାଗା ଆତିହିଁ ଜିକେଏ, ଏଦି କାଜା ବଡ଼ପଣତି କାତା ଜଲାଲି ଆଡ଼ିନେ । ମେହ୍ଦୁ ର ଉଣା ହିରୁ ପୁୟା ତଲେ ଏଚେ କାଜା ଜାଡ଼ା ୱେହାହାନେ । ୬ ୱେନ୍ଦରି ଜିକେଏ ହିରୁ ଲେହେଁତାୟି; ଏଦି ମା ଆଙ୍ଗା ବିତ୍ରା ବାରେ ଲାଗେଏ ପଲେଏ ତାଣ୍ଡାଟି ସାଲ୍ଲଞ୍ଜି ଆହିମାନେ, ଏଦି ବାରେ ଆଙ୍ଗାତି ଲାଗେଏ କିନେ, ଅଡ଼େ ତାନୁ ନର୍କଟି ହୁଡ଼ିମାନି ହିରୁତଲେ ତୃଞ୍ଜାନା ଗାଡ଼ି ଆହାମାନି ଦାରତିତି ହୁଡ଼ିନେ । ୭ ଇଞ୍ଜା ବାରେ ଲେହେଁତି ଜନ୍ତୁ ଜିଞ୍ଜେଡ଼ି, ପଟା କାଡ଼ି, ବାଣ୍ଡିତଲେ ତାକିନାଇ, ଅଡ଼େ ଏୟୁତି ଜନ୍ତୁ, ମାଣ୍ଡସି ଏ ବାରେ ଜନ୍ତୁୟାଣି ଲକ୍ନାୟି ଆଡ଼ିମାନେସି । ୮ ସାମା ୱେନ୍ଦରିତି ଆମ୍ବାଆସି ଲକ୍ନାୟି ସାପି କିହାଲି ଆଡ଼ଅସି, ଏଦି ପଲ୍ଲଆ ଗାଟାୟି ଇଞ୍ଜା ଲଙ୍ଗାଆ ଗାଟାୟି, ଅଡ଼େ ଏଦିଏମ୍ବାଆଁ ହାନ୍ତିମାନି ବାସା ମାନେ । ୯ ୱେନ୍ଦରି ତଲେ ପ୍ରୁ ଆବାଇଁ ଜହରା କିହିମାନାୟି, ଇଞ୍ଜା ଏ ୱେନ୍ଦରି ତଲେ ମାହାପୁରୁ ଲେହେଁ ଗାଡ଼ି ଆଡ଼ି ମାଣ୍ଡସିଇଁ ବାକା ଇତି ମାନାୟି; ୧୦ ଏ ରଣ୍ଡିଏ ଗୁଡ଼ିଟି ଜହରା କିନାୟି ଅଡ଼େ ବାକା ହାନି କାତା ହୁଡ଼ିମାନେ ଏ ନା ତାୟିୟା ଅଡ଼େ ତାଜିୟା ଏଲେଆନାୟି ନେହେଁ ଆଏ । ୧୧ ର ଜାରଣାଟି ତାକିନି ଅଡ଼େ କାମ୍ବେଲି ଏୟୁ ହନୁ କି ? ୧୨ ଏ ନା ତାୟିୟା ଅଡ଼େ ତାଜିୟା, ତୟା ମାରନ୍ତୁତା ଜୀତ

ପାଢ଼େଇ ଅଡ଼େ ଅଜୁରି ମାଡ଼ାତା ତୟା ପାଢ଼େଇ ଆୟାଲି ଆଡ଼ିନେ କି ? ଏଲେକିହିଁ ଏ ହାରୁ ଜାରଣା ଡ଼ାକ୍ନି ଏୟୁହାହାଲି ଆଡ଼େଏ ।

### ମାହାପୁରୁ ତାଣାଟି ଖାନ୍ତି ବୁଦି

<sup>୧୩</sup> ମୀ ବିତ୍ରା ବୁଦିଗାଟାସି ଅଡ଼େ ତେଲ୍‌ହିନାସି ଆମ୍ବାଆସି ମାନେସି ? ଏଝାସି ବୁଦିଗାଟାସି ଲେହେଁ ଉଣା ଆହାନା ଇଞ୍ଜା ସୁଦୁଗାଟାସି ଆହାନା ତାନି ନେହିଁ ମାଣ୍‌କି ତଲେ କାମା ତସ୍‌ପେସି । <sup>୧୪</sup> ସାମା ମୀ ହିୟାତା ଗାଡ଼ି ତାହାରା, କପା ଅଡ଼େ ଖାରୁଇ ଜାହାରାତାକି ଅଣ୍‌ପିନାୟି ମାନେ, ଆଡ଼ିହିଁ ସାତାଡ଼ି କପାଟି ବତପଣ ଆଆଦୁ ଅଡ଼େ ମିତି ଜଲ୍‌ଆଦୁ । <sup>୧୫</sup> ଇଲେତି ବୁଦି ମାହାପୁରୁ ତାଣାଟି ଖାଏ, ଏଡ଼ି ଇ ଦାରୁତିତାୟି, ମାଣସିତି ଅଣ୍‌ପୁ ଗାଟାୟି ଅଡ଼େ ଲାଗେଏ ପଲେଏତି ବୁଦୁୟା ଖାୟି । <sup>୧୬</sup> ଇତିହିଁ ଆମିନି ତାଣା ତାହାରା ଅଡ଼େ ଜାହାରାତାକି ଅଣ୍‌ପିନାୟି ମାନେ, ଏ ଟାୟୁତା ବାରେଲେହେଁତି ଲାଗେଏତି କାମା ମାନେ । <sup>୧୭</sup> ସାମା ଲାକଟି ଖାନ୍ତି ବୁଦି, ତଲିଏ ସୁଦୁଗାଟାୟି, ତାୟୁ ହିଡ଼ଡ଼ି ଜୀଝୁଗାଟାୟି ଅଡ଼େ ସୁଦୁ ସୁଝାଲା, ମାନଝି ଆନାୟି, କାର୍ମାମେହ୍‌ନାୟି ଅଡ଼େ ନେହିଁ ପାଢ଼େଇକା ତଲେ ନେଞ୍ଜାମାନାୟି, ଆନାମାନା ଆଆଗାଟାୟି ଅଡ଼େ କୁରୁ ହିଲାଆଗାଟାୟି । <sup>୧୮</sup> ଅଡ଼େ ହିଡ଼ଡ଼ି ହାନି ଲକୁ ତାଣାଟି ହିଡ଼ଡ଼ିତି ବିଚା ମାଟ୍‌ଝିଆନେ, ଦାମ୍‌ଗାଟି ପାଢ଼େଇ ଦାପି ଆନେ ।

## ୪

### ଦାରୁତି ତଲେ ତଟେ ଦହ୍‌ନାୟି

<sup>୧</sup> ମୀ ତାଣା ମାଡ଼ାଗଡ଼ି ଅଡ଼େ ଗଡ଼ହା ଆମ୍ବିଟି ଖାହିମାନେ ? ଏଝି ମୀ ତାଣା ମାନି ସୁକୁତି ଅଣ୍‌ପୁଟି ଖାହିମାନୁ ଏଝି ବାରେବେଲା ବାରେ ବେଲା ଗଡ଼ହା କିଝିକିହିମାନୁ । <sup>୨</sup> ମୀରୁ ଏନାଆଁ ବେଟାଆହାଲି ଅଣ୍‌ପା ମାଞ୍ଜେରି, ଏଡ଼ାଆଁ ବେଟା ଆଆସାରେ ଲକୁଣି ପାୟାଲି ଅଣ୍‌ପା ମାଞ୍ଜେରି, ଏନାଆଁ ବେଟାଆହାଲି ହାଟ୍‌ରେକା ଜୁପକା ଆନେ ଏଡ଼ାଆଁ ବେଟା ଆଆସାରେ ଗଡ଼ହା ଅଡ଼େ ମାଡ଼ାଗଡ଼ି କିହିମାଞ୍ଜେରି, ଏନାଆଁତାକି ଇତିହିଁ ମୀରୁ ମାହାପୁରୁଇଁ ରାସି ହିଲଅତେରି; <sup>୩</sup> ମୀରୁ ରାସିମାଞ୍ଜେରି ସାମା ବେଟାଆହି ହିଲଅତେରି, ଏନାଆଁତାକି ଇତିହିଁ ମୀରୁ ମୀ ଆଜ୍ଞାଟି ଜୁପକାଟି ଲେୟାଲି ତାକି ପାପୁ କାମା କିହାଲି



ରାସିମାଞ୍ଜେରି । ୪ ଏ ଦାରେଣିସିକାତେରି, ମୀରୁ ପୁଞ୍ଜାହିଲଅତେରି ? ଦାରତିତି ତଢେ ଆନାସି ଏଝାସି ମାହାପୁରୁତି ସାତୁ, ଇତିହିଁ ଆମ୍ବାଆସି ଇ ଦାରତିତି ତଢେ ଆହାଲି ଅଣ୍ପିନେସି; ଏଝାସି ତାଙ୍ଗେ ମାହାପୁରୁତି ସାତୁ । ୫ ମୀରୁ ଏନାଆଁ ଦାର୍ମୁ ପତିତା ରାସ୍‌କି ଆହାମାନି ବଲୁ ଉଦେଏ ଇଞ୍ଜିଁ ଅଣ୍ପିମାଞ୍ଜେରି କି, “ମାହାପୁରୁ ଆମିନି ଜୀଝୁତି ମା ତାଣା ବାସା ଆହାଲି ହୀହାମାଞ୍ଜାନେସି, ଏଝାସି ମାଙ୍ଗେ ବାରେ ଝାକିଟି ସାଲୁଝି କିହାଲି ଅଣ୍ପିମାନେସି ।” ୬ ସାମା ମାହାପୁରୁ ହାରେକା କାର୍ମାମେହନାଣି ହିୟାନେସି; ଏଦାଆଁତାକି ସାସ୍ତେରିତା ରାସ୍‌କି ଆହାମାନେ, “ମାହାପୁରୁ ଆଙ୍ଗାରା ଆନାରି କପାଟି ନିଙ୍ଗିନେସି, ସାମା ଜାହାରାଇଁ ଉଣା କିହା କତାମାନାରାଇଁ କାର୍ମା ମେହନେସି, ମାହାପୁରୁତି କାର୍ମା ହାରେକା ବାଡ଼ୁୟୁ ଗାଟାୟି ।”

୭ ଏଦାଆଁତାକି ମୀରୁ ମାହାପୁରୁ ତାଣା ହେର୍ପା କତାଦୁ; ଅଡ଼େ ସୟତାନଇଁ ଆବାଆଦୁ, ଆତିହିଁ ଏଡ଼ି ମୀ ତାଣାଟି ହେକ ହାନେ । ୮ ମାହାପୁରୁ ତାଗେ ଝାଦୁ ଆତିହିଁ ଏଝାସି ମୀ ତାଗେ ଝାନେସି, ଏ ପାପୁ ଗାଟାତେରି, ମୀ କେସ୍‌ସାଣି ନେହିଁକିଁ ନରୁଦୁ, ଅଡ଼େ ରୀ ଅଣ୍ପୁ ଗାଟାତେରି, ମୀ ହିୟାଁତି ଅଟ୍‌ହା କତାଦୁ । ୯ ହିୟାଁ କାଡ଼ି କିହାଁ ଦୁକୁ ତଲେ ଡୀଦୁ; ମୀ କାକନାୟି ଡୀକିତା ଅଡ଼େ ମୀ ରାହାଁ ଦୁକୁତା ଡୀରି ମ୍ପିପେ । ୧୦ ପ୍ରୁ ନକିତା ମୀରୁ ମିଙ୍ଗେ ଉଣା କିହାକତାଦୁ, ଏତେଟିଏ ଏଝାସି ମିଙ୍ଗେ କାଜା ଲକୁ କିୟାନେସି ।

### ଏଟ୍‌କା ଲକୁଣି ନୀହାଁୟି କିଆଦୁ

୧୧ ଏ ତାୟି ତାଙ୍ଗିସ୍‌ସା, ମୀରୁ ରଅତେରି ରଅଣା କପାଟି ନିନ୍ଦା କାତା ଜଲ୍ଲାଆଦୁ; ଆମ୍ବାଆସି ତାୟି କପାଟି ନିନ୍ଦା କାତା ଜଲ୍ଲିନେସି କି ନୀହାଁୟି କିନେସି, ଏଝାସି ମସା ମେରା କପାଟି ଜଲ୍ଲିମାନେସି, ଇଞ୍ଜା ଏମ୍ବାତି ନୀହାଁୟି କିହିମାନେସି । ସାମା ମୀରୁ ମସା ମେରାତି ନୀହାଁୟି କିଦେରି, ଇତିହିଁ ମୀରୁ ମସା ମେରାତି ମାନୁଝି ଆନାତେରି ଆଆନା ଏମ୍ବାତି ନୀହାଁୟି କିନାତେରି । ୧୨ ମାହାପୁରୁ ରଅସିଏ ମେରା ହୀନାସି ଅଡ଼େ ନୀହାଁୟି କିନାସି, ଏଝାସି ଗେଲ୍‌ପାଲି ଅଡ଼େ ନାସା କିହାଲି ଆଡ଼ିମାନେସି; ସାମା ନୀନୁ ଆମ୍ବାଆତି, ନୀ ଆଟ୍‌ହିତାଣାଇଁ ନୀହାଁୟି କିହିମାଞ୍ଜି ?

### ବତପଣ କିଆଦୁ

୧୩ ନୀର୍ବ୍ୟ ମେହଦୁ, ଆମ୍ବାଆତେରି ଏଲେ ଇଞ୍ଜିମାଞ୍ଜେରି, “ନୀଞ୍ଜୁ କି ଓଁଏ ମାମ୍ବୁଏ ଗାଡ଼ାତା ହାନମି ଇଞ୍ଜାଁ ଏମ୍ବାଆଁ ର ବାର୍ଯ୍ୟା ପାତେକା ଡୟାନା ବେବାରା କିହାଁ ଗାଡ଼ି ଲାବା କିନମି;” ୧୪ ସାମା ଓଁଏ ଏନାୟି ଆନେ, ଏଦାଆଁ ମୀରୁ ପୁଞ୍ଜାହିଲଅତେରି, ମୀ ଜୀଞ୍ଜୁ ଏନିକିଁ ଗାଡ଼େକା ତଞ୍ଜାଆହାନା ଗାଡ଼େକା ମେଣ୍ଡାଞ୍ଜାହାନି ଉକ୍ଅଡ଼ି, ମୀରୁ ଏଲେତାତେରି । ୧୫ ଇଦାଆଁତାକି ମୀରୁ ଏଲେଇନାୟି ମାନେ, “ପ୍ରବୁତି ଅଣ୍ପୁ ଆଡ଼ିସାରେ ମାର ଜୀଞ୍ଜୁତଲେ ନୀତା ମାଞ୍ଜାନା ଇଦାଆଁ କିନ ଆଆତିଁ ଏଦାଆଁ କିନ ।” ୧୬ ସାମା ମୀରୁ ନୀର୍ବ୍ୟ ମୀ ବତପଣ ତସାକଡ଼ିମାଞ୍ଜେରି; ଇଲେତି ବତପଣ ଲାଗେଏତାୟି ।

୧୭ ହିୟାଁତା ଇଟାଦୁ ଏନାଆଁତାକି ଇଚିହୁଁ, ଆମ୍ବାଆସି ନେହୁଁ କାମା କିହାଲି ପୁଞ୍ଜାନା କିଅସି ଏଞ୍ଜାସି ପାପୁ କିନେସି ।



### ବାଡ଼କୁ ଗାଟାରାଇଁ ଜାଗ୍ରାତା କିନାୟି

୧୪ ବାଡ଼କୁ ଗାଟାତେରି ନା କାତା ଷ୍ଟେଞ୍ଜୁ, କସ୍ତୁତି ଦିନା ଖାହିମାନେ ଏଦାଆଁତାକି ଦୁକୁଆହୁଁ ଡୀଦୁ ଇଞ୍ଜାଁ କାନିକାର୍ଯ୍ୟା ଆଦୁ । ୧୫ ମୀ ବାରେ ଦନ ସୀରହା ହାଚେୟିଏ, ଅଡ଼େ ମୀ ହିମ୍ବରିକାଇଁ ଲୀମ୍ବୁ ତିଚେୟିଏ, ୧୬ ଅଡ଼େ ମୀ ବାଂଗାରା ଇଞ୍ଜାଁ ଷ୍ଟେଣ୍ଡି କିରଞ୍ଜୁ ଆଡ଼େୟିଏ; ଏଚେଟିଏ ଏ କିରଞ୍ଜୁ ମୀ କପାଟି ସାକି ହୀହାନା ହିରୁ ଲେହେଁ ମୀ ଆଞ୍ଜା ଜିକେଏ ନାସା କିୟାନେ, ଇ ରାନି ବେଲାତା ମିଞ୍ଜେତାକି ଦନ କୁଡ଼ି କିହାମାଞ୍ଜେରି । ୧୭ ହେଣ୍ଡୁ ! ମୀ ଗୁଡ଼ିୟାତି ତାସା ଦାଃଆନାରାକି ନାଡ଼ିକିହାନା ଆମିନି କୁଲି ହୀହା ହିଲଅତେରି, ଏଦି ଗାଡ଼ି କାଲ୍ଲୁଓଁ ଆହିମାନେ, ଅଡ଼େ ତାସାତି ଦାଃଆନାରି ଡୀନାୟି ବାରେ ବାଡ଼ୟୁଟି ପ୍ରବୁତି କିୟୁଁ ତୁା ଏଗା ହାଚେୟିଏ । ୧୮ ମୀରୁ ଦାରତିତି ସୁକୁ ଅଡ଼େ ରାହାଁତା ନୀତାମାଞ୍ଜେରି, ମୀରୁ ହାକିତି ଦିନାତାକି ଜାହାରାଇଁ ଆଞ୍ଜା କିହାମାଞ୍ଜେରି । ୧୯ ମୀରୁ ଦହ ହିଲାଆଗାଟାରାଇଁ ଦହ କିହାନା ପାୟିମାଞ୍ଜେରି; ଏଞ୍ଜାସି ମିଞ୍ଜେ ଷ୍ଟେଣ୍ଡେ ଏନାଆଁ କିୟଅସି ।

☆ ୫:୭ ୫:୭ ମାତି ୭:୧୯

### ସାସାତଲେ ପ୍ରାତାନା କିନାୟି

<sup>୭</sup> ଏଦାଆଁତାକି ଏ ତାୟି ତାଙ୍ଗିସ୍ତା, ପ୍ରବୁତି ଝାନ୍ତି ଦିନା ପାତେକା ସାସାତଲେ କାଚାନା ମାଞ୍ଜୁ, ର ତାସା କିନାସି ଏନିକି ତାନି ବୃମିତି ପାଡେୟି ବେଟାଆହାଲି ତାକି ମୂଲୁତି ପିୟୁ ଅଡେ ତାୟୁତି ପିୟୁ ରିନି ଦିନା ପାତେକା ସାସାତଲେ କାପୁ କାଚାନା ତୟିନେସି । <sup>୮</sup> ମୀରୁ ଜିକେଏ ଏଲେକି ସାସାତଲେ ମାଞ୍ଜାନା ମୀ ହିୟାଁତି ସୂସ୍ତି କିଦୁ, ଇଚିହୁ ପ୍ରବୁତି ଝାନ୍ତି ଦିନା ତାଗେ ଝାଡେୟିଏ ।

<sup>୯</sup> ଏ ତାୟି ତାଙ୍ଗିସ୍ତା, ମୀରୁ ଏନିକି ନାହାଁୟି କିଝି ଆଅତେରି, ଏଦାଆଁତାକି ରଅତେରି ରଅଣା କପାଟି ଏନି କାତା ଜଲ୍ଲାଆଦୁ, ସିନିକିଦୁ, ନାହାଁୟି କିନାସି ଦୁଝେରିତା ନିଚାମାନେସି । <sup>୧୦</sup> ଏ ତାୟି ତାଙ୍ଗିସ୍ତା, ଆମିନି ମାହାପୁରୁ ଅଣ୍ଟପୁତି ବଲ୍ଲୁ ଝେହ୍ନାରି ପ୍ରବୁ ଦରୁଚି କାତା ଝେସାମାଚେରି, ଏଝାରାଇ ମୀରୁ ଅଣ୍ଟପାଦୁ, ଦୁକୁ କସ୍ତ୍ର ବେଟାଆନାଟି ସାସା ଅଡେ ଅର୍ହାଲି ଜିରୁ ତସାମାଞ୍ଜାନେରି । <sup>୧୧</sup> ମେହ୍ଦୁ ଆମ୍ବାଆରି କସ୍ତ୍ର ଅର୍ହା ମାଚେରି, ମାମ୍ବୁ ଏଝାରାଇଁ ନେହାଁରି ଇଞ୍ଜି ଇନମି, ମୀରୁ ଆୟୁବତି ଅର୍ହାନାଣି ଝେଞ୍ଜାମାଞ୍ଜେରି, ଅଡେ ପ୍ରବୁ ତାୟୁତି କାମା ମେସାନା ପୁଞ୍ଜାମାଞ୍ଜେରି, ଏଝାସି କାମା ମେହ୍ନାସି ଅଡେ ଜାଝୁ ନନାସି ।

<sup>୧୨</sup> ଏ ନା ତାୟି ତାଙ୍ଗିସ୍ତାଚେରି, ମୀରୁ ପାରମାଣା କିଝୁଏ କିଆଦୁ, ଲାକପୁରୁତି ଦରୁତଲେ ପାରମାଣା କି ଦାରୁତିତି ଦରୁତି ପାରମାଣା କି ଏଟକାତି ଏନି ଦରୁ ଆସାନା ପାରମାଣା କିଆଦୁ, ସାମା ମୀଦି ହାଅ ଇନି କାତା ହାଅ ଆପେ ଇଞ୍ଜା ଆଏ ଇନି କାତା ଆଏ ଆପେ, ଏନିକି ମୀରୁ ନାହାଁୟି ଦିନାତା ତଣ୍ଡ ଗାଟାଚେରି ଆଅତେରି ।

<sup>୧୩</sup> ମୀ ବିତ୍ରାଟି ଆମ୍ବାଆସି ଦୁକୁ କିହିମାନେସି ? ଆତିହୁ ଏଝାସି ପ୍ରାତାନା କିପାସି, ଆମ୍ବାଆସି ରାହାଁଟି ମାନେସି ? ଇଚିହୁ ଏଝାସି ଜହରା ପାରୁ ପାଚାପେସି । <sup>୧୪</sup> ଆମ୍ବାଆସି ମୀ ବିତ୍ରାଟି ଆଡାଆ ଗାଟାସି ମାଚିହୁ ଏଝାସି କୁଲମିତି ପ୍ରାଚିନାଙ୍ଗାଣି ହାଟାପେସି; ଇଞ୍ଜା ଏଝାରି ପ୍ରବୁତି ଦରୁତଲେ ନିୟୁଁ ଝାକୁହାନା ଏଝାଣି ତାକି ପ୍ରାତାନା କିପାରି । <sup>୧୫</sup> ଏ ନାମୁଗାଟି ପ୍ରାତାନା ରଟା ଗାଟାଣାଇଁ ନେହୁଁ କିନେ, ଇଞ୍ଜା ପ୍ରବୁ

ଏଞ୍ଜେଲ୍ ନିକ୍ନେସି, ଇଞ୍ଜି ଏଞ୍ଜସି ପାପୁ କିହାମାଚିହିଁ, ଆତିହିଁ ଏଞ୍ଜାଣି ପାପୁ ମେଣ୍ଟାକି କିଞ୍ଚିଆନେ ।<sup>୧୭</sup> ଏଦାଆଁତାକି ମୀରୁ ରଅତେରି ରଅଣା ନକିତା ମୀ ପାପୁ ଝେକ୍‌ଦୁ, ଅଡେ ନେହିଁ ଆହାଲିତାକି ରଅତେରି ରଅଣି ତାକି ପ୍ରାଡାନା କିଦୁ, ଆତିହିଁ ମୀରୁ ନେହିଁ ଆଦେରି, ଏଦାଆଁତାକି ଇଚିହିଁ ଦାମ୍‌ ଗାଟାଣି ପ୍ରାଡାନା ହାରେକା କାଜା କାମା କିହାଲି ଆଡିନେ ।<sup>୧୮</sup> ଏଲିୟ ଜିକେଏ ମା ଲେହେଁତି ଦୁକୁ ସୁକୁ ଗାଟି ମାଣ୍ଡସି; ଏଞ୍ଜସି ପିୟୁ ଆଆପେ ଇଞ୍ଜି ରଣ୍ଡିଏ ମନତଲେ ପ୍ରାଡାନା କିତେସି, ଅଡେ ତାନି ବାର୍ସା ସ ଲେଞ୍ଜୁ ପାତେକା ଏ ବୁମିତା ପିୟୁ ଆଆତେ ।<sup>୧୯</sup> ଇଞ୍ଜି ଏଞ୍ଜସି ଅଡେ ଝେଣ୍ଡେ ପ୍ରାଡାନା କିହାଲିଏ ହାଗୁଟି ପିୟୁ ରୀତେ, ଅଡେ ବୁମିତା ଆନା କାମ୍‌ଡିତେ ।

<sup>୧୯</sup> ଏ ନା ତାୟିୟାଁ ଅଡେ ତାଙ୍ଗିୟା, ମୀ ବିତ୍ରାଟି ଆମ୍ବାଆସି ସାତା ଜିରୁଟି ବାଣା ଆତିହିଁ ଅଡେ ଆମ୍ବାଆସି ଏଞ୍ଜାଣାକି ଝେଣ୍ଡେ ଝେଟ୍‌ହା ତାନେସି, <sup>୨୦</sup> ଆତିହିଁ ଆମ୍ବାଆସି ପାପୁ ଗାଟାଣାକି ତାନି ପଲ୍‌ଆ ଜିରୁଟି ଝେଟ୍‌ହା ତାନେସି, ଏଞ୍ଜସି ଏଞ୍ଜାଣି ଜୀଞ୍ଜୁଟି ହାକିଟି ଗେଲ୍‌ପିନେସି, ଇଞ୍ଜି ହାରେକା ପାପୁଡି ମ୍ବେପ୍‌କି କିନେସି, ଇଦାଆଁ ମୀରୁ ପୁଞ୍ଜୁ ।

---

☆ ୫:୨୦ ୫:୨୦ ଚିତ୍ର ୪:୮

## ପୁସ୍ତକ ଫେରା

# The New Testament in the Kuvi language of India: ପୁସ୍ତକ ଫେରା (Bible)

copyright © 2020 The Word for the World International

Language: କୁଠି (Kuvi)

Contributor: The Word for the World International

## ପୁସ୍ତକ ଫେରା, କୁଠି ପୁସ୍ତକ ଫେରା, 2020

The New Testament in Kuvi Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-12

---

PDF generated using Haiola and XeLaTeX on 21 Feb 2024 from source files dated 13 Apr 2023

081337bf-dba3-542b-bc85-280acfb14d33